

A' l' altru mondu

A' l' altru mondu, u tempu hè longu
Ci stà l' eternità
E' m' ha pigliatu à tempu natu
Di mè chì n' hà da fà
O cara Mamma u paradisu
Hè grande cum' è tè
E' s' è ti chjamu à l' improvisu
S' arricummanda à mè
Santa Maria a to sumiglia
Ùn nu mi lascia più
E mi cuntentu, è mi ramentu
Cum' è s' ell' era tù

Ti mandu un fiore, u so culore
U scegliarei tù
Hè ind' è u pratu di u Muratu
Ch' ellu face u più
S' o fussi eiu frà i più belli
U cuglierebbe à tè
Ma stocu in celu, è i to capelli
Sò luntanu da mè
Ma i t' allisciu cù Ghjesù Cristu
Chì sà quale tù sì
E' mi cuntentu è mi ramentu
E' meglio, ùn possu dì

Ùn piglià dolu, u to figliolu
Cù l' anghjuli stà bè
E' sò ch' o vogliu u mio custodiu
A sà prima cà mè
Quì l' aria fine cum' è puntine
Cosge senza piantà
Ore tranquille, à mille à mille
Senza calamità
A l' altru mondu canta un culombu

E'paura ùn ne hà
Pè cacciadore ci hè un Signore
O Mà ùn ti ne fà !

I Fratelli Vincenti
A Filetta